



**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

408. An Coadiutores exercere poßint in habitu canonicali functiones aliquas in diversis ecclesiis fieri ibidem solitas ab invitatis ad invitantium libitum.

[urn:nbn:de:hbz:466:1-74203](#)

Questio 407. Num Coadjutor impedire posse, quo minus Coadjutus optet præbendam aliam; vel cogere ut optet aliam?

1. **Esp. primo:** Coadjutor in vi Coadjutoria cum futura successione sibi concessa impedit porest Coadjutum, quod minus is, ubi vigeret illa consuetudo optandi, si in gratia Coadjutoria concessa est futura successio, quod ad Canoniciatum & præbendam duntaxat illi annexam, & non quod ad præbendam illam seu præstimoium, super quo cadit oprio, seu quod optandum; tunc enim Coadjutus non potest optare novam præbendam, ut pote in qua jam non poterit succedere Coadjutor; & primam dimittere nequit, ut pote ad quam jus habet, & quæ adjudicata est Coadjutori per Coadjutoriam cum futura successione.

2. Contrarium est, siue Coadjutor impedit nequit, quod minus Coadjutus optare possit, si in gratia Coadjutoria concessa est futura successio non solum ad præbendam, quam de facto haberet Coadjutus, sed etiam ad præbendam de novo optandam, & priori dimisla subrogandam; quia jam in nullo derogatur juri qualitato Coadjutoris; nec quicquam inconveniens obstat; & gratia Coadjutoria, quæ principaliter ad favorem Coadjuti concessa, ut Gonz. gl. 5 §. 9. num. 82. ex Puteo de c. 98. l. 2. & Rota in Salmantina Coadjutorie. 2. Ian. 1593. non debet illi esse nociva, juxta regul. quod ob gravem. de reg. Iur. in 6. Ita sub hac distinctione tradit Gonz. ad reg. 8. gl. 34. n. 97. quem sequitur Ventrigl. tom. 1. annot. 6. n. 12.

3. Verum ista distinctio non probatur Garcia, quem sequuntur Lotterius & Barbos. eo quod nusquam conceditur gratia Coadjutoria ita coarctata ad præbendam a Coadjutore habitam, ut illa aliam optare nequeat, ut Lotter. de re benef. l. 2. q. 25. n. 59. Proinde tradunt hi A. A. Lotter. loc. cit. n. 6. Barbos. de Can. & Dignit. c. 29. n. 29. Garc. p. 4. c. 5. n. 150. quod Canonicus habens Coadjutorem cum futura successione possit absolute & indistincte optare præbendam novam, & illa nova seu de novo optata vi subrogationis maneat affecta & reservata Coadjutori, & hunc in ea successorum. Siquidem affectio illa, quæ fuit adjecta priori præbenda, transiit per viam hujusmodi subrogationis in præbendam optatam, ut Lotter. citans pro hoc Cardin. conf. 126. n. 3. & inc. dilecto. de præb. in 6. n. 7. Simonet. de Reserv. q. 45. n. 8. Rotam in Urgell. Canoniciatus. 9. Maii. 1593. & in Cordub. Coadjutoria. 7. Nov. 1619. Sic quoque alias ut Garcias loc. cit. habens præbendam reservatam potest optare aliam, quæ subintrat in locum reservatum, & dimisfa manet libera.

4. **Resp. tamen secundò:** posse Coadjutorem impedit Coadjutum, quod minus valeat dimisla pinguiore præbenda optare tenuorem; quia hoc eslet in præjudicium Coadjutoris, qui jus habet ad præbendam illam pinguiorem, quod illasum illi servari nequit, nisi per subrogationem alterius præbenda non minus pinguis. Ventrigl. loc. cit. n. 13. qui etiam n. 14. subiungit in casu, quo Coadjutus, vacante præbenda pinguiore, nolle in præjudicium Coadjutoris eam optare, posse Coadjutorem, dum is in concessione Coadjutoria habet facultatem optandi (ut quandoque conceditur) per se optare, etiam nolente Coadjuto, ne alias illa optandi facultas ei data frustratorie. Si vero illam facultatem optandi non haberet in concessione Coadjutoria sibi facta, non posse il-

lum, nolente Coadjuto, optare. Nihilominus si Coadjutus nolle optare in odium & fraude Coadjutoris; cum fraus nulli patrocinari debeat, judicare se, quod Coadjutor posset comparere coram legitimo Superiore, & compellere Coadjutum ad optandum. De cætero posse Coadjutum, si Coadjutus consentiat, vel non dissentiat, optare per se in beneficium Coadjuti iuxta dicta quasi. prec.

5. **Resp. tertiod:** ubi in optione muratus titulus v.g. ubi portionarius operat Canoniciatum, adhuc potest habens Coadjutorem cum futura successione optare aliud beneficium abique eo, quod in hoc casu præjudicetur Coadjutori. Siquidem in primo dimislo, ut pote per optionem secundi vacante, Coadjutor succedit. Garc. n. 120. nisi forte, ut addit, fuerit consuetudo particularis seu observantia, quod non habens beneficium liberum non possit optare.

6. **Resp. quartò:** Coadjutoria cum futura successione obstat, quod minus Coadjutus optare possit beneficium cum præhabito retinendum, v.g. Dignitatem tenendam cum præhabito Canoniciatum juxta ecclesias alienas consuetudinem, & tunc haberet & retineret Coadjutorem in uno beneficio, nempe Canoniciatu, & non in alio, nempe in Dignitate, in qua deberet residere; non obstante, quod Coadjutor Canoniciatus resideret. Garc. loc. cit. num. 121.

Questio 408. An Coadjutores exercere possint in habitu canonicali functiones aliquas in diversis ecclesiis fieri ibidem solitas ab invitatis ad invitantium libitum?

R Esonder negativè Pignat. tom. 4. consult. 185. n. 11. servitum enim Coadjutoris ex forma Coadjutoria restrictum est ad supplendum quo Coadjuto, ubi Coadjutus est obligatus in propria ecclesia & in actibus Capitularibus in ea celebrandis, & functionibus in illa, vel occasione illius peragendis, non autem ad functiones, ad quas vel Coadjutus vel Coadjutor invitaretur ad libitum invitantium, stante præsertim quod Coadjutores extra suam ecclesiam, & sine Capitulo nullam habeant prærogativam. Unde in consensu aliorum sacerdotum non præcedunt juxta Declarationem S. Congregat. Rituum citandas cap. seq. Pignat. loc. cit. quietiam addit n. 13. in fine, esse admodum indecens, habitum canonicalem permisum Coadjutor ad effectum coadjuvandi in cathedrali adhibere ad libitum in quocumque loco contra declarationes S. Congr. Rituum, quæ ipsiusmet Canoniciis veris prohibet detinere habitu canonicali, dum interveniunt ut singuli, etiam intra cathedralem in functionibus cum aliis presbyteris; ut patet in una Comensi. 22. Nov. 1643. & in una Capuana. 20. Maii 1651. quas recitat. Ad hæc, ut habet Pignat. n. 19. non probatur, quod Canonici ratione habitus prærogativa debeat, quando sponte, & ex ambitione vel lucro se inferioribus immiscerent. De cætero non fatis probat Pignat. quod in confirmationem locum habet n. 13. Quod ne vi quidem consuetudinis 40. annorum id fieri possit, ut Coadjutor in habitu canonicali eodem tempore adsit in choro, & Coadjutor in habitu quoque canonicali in ecclesia (intellige alia) eo quod hæc consuetudo non solum sit contra jus, sed etiam irrationalis ex eo, quod vel sic adstant, seu adesse videantur eodem tem-

tempore duo Canonici ejusdem Canonicatus. Nam si inconveniens multoque minus irrationabile non sit, & ex eo non infertur aut censetur duos Canonicos esse ejusdem Canonicatus, quod Coadjutor & Coadjutor simul in habitu canonici inter sint processionibus & Missarum solenniis, conveniens quoque non erit ad judicandum, duos esse ejusdem Canonicatus Canonicos, adeo que irrationalis, dum simul comparent in habitu canonicali in diversis ecclesiis & functionibus. Videtur proinde sustinenda potius talis consuetudo, ubi de cetero prescripta legitimè, ut Coadjutor Canonici in aliena ecclesia invitatus compareat, & functiones quasdam exerceat.

Questio 409. An Coadjutor possit facere alienationes bonorum ecclesiasticorum?

Respond. Coadjutorem prorsus abstinere debere ab omni alienatione bonorum, sive ad principalem ipsum, sive ad ecclesiam spectantium. Engels ad tit. de Cler. agrot. Laym. ad t. unic. h. t. in f. juxta expressum cit. cap. textum. Excipiuntur tamen ea bona mobilia, quæ servando servari non possunt. Laym. loc. cit. n. 1. juxta gl. hic. v. abstinentes, & argumento l. lex qz. cod. de administ. Tutor. ubi idem dicitur de Tutori.

Questio 410. Quid Coadjutor Episcopi possit in materia beneficiorum?

1. **R**espond. primò in genere: facultatem illam conferendi beneficia, recipiendi resignationes, aliaque similia agendi in materia beneficiorum dependere est tenore literarum Coadjutoria, & potestate in iis specialiter Coadjutori concessa. Paris. de resig. l. 7. q. 20. n. 19. citans quamplures cum communī juxta dicta superiori in genere.

2. **R**esp. secundò: quod si ea potestas non exprimatur in literis, neque quicquam ei contrarium, attendenda & distinguenda sunt cause dationis Coadjutoriae, & videndum ad quid datus Coadjutor. Paris. loc. cit. n. 20. & ex eo Remouch. t. 15. n. 9. Fagn. in c. ex parte. de Cler. agrot. n. 24. ex Jo. And. Sic itaque primò, si datus Episcopo Coadjutor ob dementia, vel mentis impedimentum & debilitatem (intellige tantum, ut ipse ea præstare non possit) poterit Coadjutor conferre beneficia, resignationes recipere, permittantibus authoritatem præstare, confirmare electos, institueret præsentatos, beneficia erigere, unire, dismembrare, aliaque omnia facere in hac materia, quæ potest ipse Episcopus sanx mentis; habet enim tunc omniummodum jurisdictionem & administrationem episcopalem Coadjutor. Paris. loc. cit. num. 25. & seq. citatis quamplurimis. Remouch. loc. cit. Laym. in c. unic. de Cler. agrot. in 6. n. 2. Fagn. loc. cit. Garc. p. 5. c. 4. n. 270. Azor. Inst. mor. p. 2. l. 6. c. 25. q. 15. Qui AA. eti loquuntur in specie de resignatione beneficiorum, vel de collatione, par tamen in omnibus aliis est ratio. Nec obstat, quod etiam in dicto casu dementia Episcopi prohibetur Coadjuto alienatio; collatio autem beneficii, præsertim libera, censatur donatio aliqua. Nam alienationis nomine Administratori prohibita intelligitur alienatio voluntaria, non necessaria. Argumento l. alienatione. ff. familiæ hircisunda; beneficii autem collatio est

alienatio seu donatio quædam necessaria nomine Ecclesia facienda. Laym. loc. cit.

2. Sic secundò: si datus Coadjutor ob temporalia, sive quia Episcopus male administrat temporalia, sicut nihil habet tunc Coadjutor administrationis circa cetera spiritualia, ita etiam nihil in materia beneficiorum. Fagn. loc. cit. Paris. loc. cit. n. 21. & 22.

3. Sic tertiod, si datus illi est quod ad temporalia, & spiritualia, non quidem ob malam negligentemque eorum administrationem, sed ob senium, in firmitatem, aliamne causam extrinsecam, non potest sibi jus aut facultatem collationis alioquin in materia beneficiorum præstandi arrogare, sed debet illam prærogativam tanquam specialitet juris autoritate competentem & reservatam relinquere principali. Garc. loc. cit. n. 265. citans Pavin. de potest. Capitul. sed. vac. p. 2. q. 1. n. 8. Selvam p. 2. q. 4. Coras. p. 2. c. 4. à n. 9. &c. Remouch. loc. cit. Card. de Luca de Paroch. d. 35. n. 9. ubi, quod Coadjutor excepto casu dementia Episcopi non haber potestatem in beneficioribus. Laym. loc. cit. n. 3. contra Gonz. gl. 5. 9. num. 4. Campegiun de Coadjut. Episc. n. 10. Navar. conf. 3. de Cler. agrot. apud Garciam. Ab una enim parte per dationem Coadjutoris Episcopus seu principalis non amittit illam facultatem. Ab altera parte Papa dat Coadjutori solum potestatem exercendi spiritualia & temporalia, quæ jure vel consuetudine pertinent ad Coadjutoris officium; intet ea autem non sunt, quæ principalis Rector potest & vult agere per seipsum. Garc. loc. cit. n. 274. Sed neque in hoc casu Episcopus tenetur beneficia cum consilio aut auxilio Coadjutoris conferre; quia nec ad hoc datur Episcopo Coadjutor. Garc. loc. cit. Laym. loc. cit. n. 3. ubi: quod quamvis quæ agentia sunt ab Episcopo Coadjuto, expedite eum oporteat cum consilio Coadjutoris, de substantia tamen actus non esse arbitrari, ut Coadjutor adhibetur, nempe in consilium. Cujus tamen contrarium foret, sive Episcopus non posset conferre sine consilio & consensu Coadjutoris, si is ei datus ob dilapidationem, seu malam beneficiorum administrationem, Garc. loc. cit. n. 273. citans Oldradum in c. Venerabilis. de off. Deleg. in 6.

4. Nihilominus & in hoc casu, ubi Episcopus Coadjutus talis est, ut in beneficioribus consenserit, & authoritatem ipsius præstare possit, Coadjutor cum consensu Episcopi conferre possit. Paris. loc. cit. n. 23. quin & subsistunt collationes ab eo factæ cum tacita Episcopi permissione; quippe qui vocatus in partem follicitudinis, adeoque ut talis cum illa subordinatione Coadjuto associatus omniummodum administrationem, jus & jurisdictionem habens in supplementum vel negligentis, omittentis, vel permittentis Coadjuti supplingo jure providet de beneficiis, quæ alias non vacante interest Ecclesia. Remouch. loc. cit. n. 10. qui etiam n. 11. concludit, sic Coadjutorem vi potestatis sua coadjutorialis habere facultatem, jurisdictionem seu jus conferendi beneficia & officia, saltem moraliter sive habituæ liter, nempe Coadjuto permittente, aut non conferente, vel providere non valente.

* *

CAPUT